



Plata dla Ploania Rina



Ploan: siur Klaus Sottsas: 344 1554055

E-mail: klsottsas@rolmail.net

Mone: Carlo Ferdigg: 339 2612471

E-mail: plata.ploaniarina@gmail.com

www.unitepastorala.org

Ann A		04.12.2022 - 11.12.2022		n.2
De		Ora	Mëssa	
2. domënia d'Advënt	04.12	6.30 10.00	s. Mëssa a LA Pli s. Mëssa a AL PLAN	
Barbara, Jan da Damaskus, beat Johannes Nepomuk von Tschiderer, beat Adolph Kolping		8.15	Gran Mëssa por la comunité 2 ^a de sopoltöra † Pallestrong Nane; †† Fonjo y Iule Huber; † Pallestrong Bia (Uniun); †† Pire y Angele Castlunger; fam. Sottrovisch – Plá de Sot;	
		14.00	Bato de Lena Ferdigg de Alex Ferdigg y Elisa Pescolliderung	
LÖNESC	05.12	19.30	Rorate a La Pli	
Anno, Reinhard				
MERTESC	06.12	07.30	s. Mëssa a Antermëia	
Mocherá, Klaus, Nicole				
MERCUI	07.12		degöna Mëssa	
Ambrosius, Maria Iosefa				
JÖBIA	08.12	8.15	Rorate por l'uniun dles Ères † Regina Craffonara; † Craffonara Giovanni; † Ferdigg Angelina	
Gran Festa de santa Maria Imacolada Edith y Elfriede, Sabina				
VËNDRES	09.12	19.30	Rorate a Al Plan	
Valeria, Pierre Fourier, Hanna				
SABEDA	10.12	07.30 18.00	Rorate a La Pli Rorate a Al Plan	
Maria da Loreto, Angelina				

Notizies y info por la plata: plata.ploaniarina@gmail.com de jö entro n jöbia da misdè

3. domènia d'Advënt "Gaudete" <i>Damasus, Tassilo, David, Artur</i> Oferta d'Advënt por la diozeja	11.12	8.30 10.00	<i>s. Mëssa a LA PLI</i> <i>s. Mëssa a AL PLAN</i>
		<u>15.00</u> <i>dedo</i> <i>picia</i> <i>festa da</i> <i>Nadé te</i> <i>salf</i>	Gran Mëssa por la comunité 3 ^a de sop. † Nane Sottrovich † Celestin Pedevilla; † Doris Huber; † Martin Steidl; † Bia Promberger; †† Pire y Angele Castlunger

<u>LETURS</u>	domènia 11.12	Matteo
<u>MINISTRONC</u>	jöbia 08.12 domènia 11.12	Anja, Annika, Andrea, Sofia Daniel G., Maddalena, Matthias, Laura

Sopoltöres:

Le signé ite n/na defunt/a fej pert dla liturgia dla sopoltöra y mèt dagnora man cun l'orar dé dant söl „Partezettel“ y nia denant, sciöche an é magari aüsá.

Rengraziamont:

I ti dijun n gran dilan a Lois y a Pire, che döt isté á sié y mantigní tan bun la cortina. Ben tröc lalda nosta bela cortina! Ince a Davide ti dijunse dilan ch'al despara dagnora tan lezitënt la cortina!

I rengraziun ince la Jonëza da Paur, por avëi endô motü sö le lën da Nadé, che, cun söes beles löms y decoraziuns, s'enviëia da jí adincuntra ala gran festa da Nadé. *Le Consëi de Cöra*

50 agn iubileo di Consëis de Cöra:

En cösta sabeda, 3 de dezëmber, él gnü recordé y festejé ia Porsenú le iubileo di 50 agn di Consëis de Cöra (1972-2022). Ince nosta ploania oress le recordé y ti dij n gran dilan a düc chi che s'á motü a disposiziun da sté ite tl Consëi de Cöra por na perioda o deplü. Dandadöt oressun alzé fora le laûr di dui presidënc Doro Castlunger y Giovanni Craffonara: n fort dilan, por ci che ai á fat a bëgn dla ploania y dla comunité. *Le Consëi de Cöra atual*

Uniun dles Ères: Ai **8 de dezëmber**, festa de s. Maria, inviëia la Uniun dles Ères ala s. mëssa y dedô jö te salf a na picia festa d'Advënt por sté n püch adöm. Dijun ince dër bel dilan a dötes chères che á daidé fá les gherlandes.

La **biblioteca** adöm al Zenter Families Mareo enviëia a na picia encuntada con i pici cina 3 agn por scoprí adöm le monn dai libri n lönesc ai **5 de dezember** dales 10 te biblioteca.

Le **Zënter Families Mareo** organisëia ai 18 de dezember **en iade con la lösa** ta Türesc - sön la Innerhoferalm - y dedo la **vijita al museo dles cripeles Maranatha**.

Cost: €12 a familia por le museo

Info y prenotaziun: anter i 12 de dezember pa Monika al 348 9326779

An dess ester scric ete pal ZFM por l'assicuraziun.

Posc limites! (max. 30 porsones) (Sce al n'es nia da ester nëi assá, ván a pe.)

MOSAIC:

nosc cor "Mosaic Singers&Players" d'Al Plan de Mareo organisëia en colaboraziun con l'associaziun turistica Al Plan/San Martin en concert d'Advent te dljia d'Al Plan ai 10.12.2022 dales 20:00 "**Melodies da Nadé**"

Plata online:

Les plates de ploania é endô da ciafé online sot al

link: <https://www.unitepastorala.org/comunité/ploanies.html>

L Consëi de Formaziun da Rina inviëia ala

ESPOSIZIUN DLES CRIPELES

Domënia	11.12.	16:00 daurida y benedisciun
Sabeda	17.12.	16:00 ales 20:00
Domënia	18.12.	16:00 ales 20:00

Olà? Salf dles manifestaziuns

Program dla domënia, ai 11.12.:

- Marcé da Nadé a fin de bëgn
- Cornisc musicala
- I "Pici Platleri" da Rina

Por val da bëre y da mangé fistidiëia la Musiga da Rina

Düc é dër bel inviá

Notizies y info por la plata: plata.ploaniarina@gmail.com de jö entro n jöbia da misdè

Le **Museum Ladin Ciastel de Tor** organisëia fora por le Advënt chëstes manifestaziuns:

mercui 7.12.2022: Bercstot da lauré cun le lëgn y da depënje, tl salamënt dla mostra dl Museum Ladin Ciastel de Tor, dales 14:00 cina les 16:00 debann – por mitans y mituns dla scolina y elementara

sabeda 10.12.2022: Sté adöm tla curt dl museum cun musiga da Nadé y val’ de bun da se scialdé tla curt dl Museum Ladin Ciastel de Tor, dales 16:00 ales 18:00 debann – por düc - te chësta ocasiun pon vijité le museum debann

vëndres 16.12 - sabeda 17.12.2022: Curs de graffiti cun Paul Löwe - tl salamënt dla mostra dl Museum Ladin Ciastel de Tor, le vëndres dales 14:00 cina les 18:00 y la sabeda dales 9:00 cina les 12:00, 15,00 €/persona max. 15 partezipanc dai 9 agn insö, en colaboraziun cun le Sorvisc ai Jogn

L'iscriziun é obligatoria info@museumladin.it o tel. 0474/524020

L’Aziënda Museums Provinziai chir por le **Museum Ladin Ciastel de Tor** a San Martin de Tor n **colaboradú/na colaboradëssa scientific/a, tëmp parzial** (alplü 24 ores/edema). Le contrat é a tëmp determiné , cun la poscibilitè de gni renové. Recuisic damaná: Diplom academich de almanco 3 agn, conoscënzes dl lingaz ladin, todësch, talian, inglesc, capazites de organisaziun Ciamps de laur: organisé ativités y evënc, curé la comunicaziun (plata internet, newsletter, social media y tó sö contac cun la stampa).

Informaziuns plü menüdes pon ciafé sot a: <https://betrieb-landesmuseen.provinz.bz.it/transparente-verwaltung/wettbewerbe.asp> o scrí a info@museumladin.it.

Les domandes cun curriculum vitae mëss gni menades anter i 19/12/2022 a info@landesmuseen.it.